

সোনার ও রত্নম ।

(অমিত্রাকর ছন্দে অনুবাদিত ।)

শ্রীবিপিনবিহারী মিত্র ।

প্রথম সংস্করণ ।

১৩২৫ ।

সর্বস্বত্ব সংরক্ষিত ।

মূল্য চারি আনা ।

প্রকাশক.

সাহিত্য বিস্তার সমিতি ।

৩৮নং নন্দলাল দে ষ্ট্রিট, বরাহনগর, কলিকতা

কলিকাতা.

বরাহনগর, ৩৮নং নন্দলাল দে ষ্ট্রিট

“প্রতিবাসী”-প্রেস হইতে

এস, সি, মিত্র কর্তৃক মুদ্রিত

স্বধর্ম-নিরত, সাহিত্যানুরাগী বন্ধুবর
শ্রীযুক্ত মোল্লা এনামুল হকের করকমলে
আমার “সোরাব্ ও রস্তুম্” পুস্তক খানি
প্রীতি সহকারে প্রদান করিলাম ।

গ্রন্থকার ।

মুখবন্ধ

প্রসিদ্ধ পারসিক কবি ফারদুসির “সাহনাম” পুস্তক হইতে আমরা অবগত হই যে, রস্তুমের পৃথক পুরুষগণ আফগানিস্থানের অন্তর্গত জুবলিস্থানের শাসক ছিলেন। তাঁহার প্রপিতামহ, পিতামহ, পিতা প্রভৃতি সকলেই পারশ্বরাজের ভক্ত ছিলেন। পারশ্ব-রাজ ফেরিডন অপূত্রক অবস্থায় প্রাণত্যাগ করিলে, রস্তুম তাঁহার পিতা জালের উপদেশ অনুসারে ফেরিডনের কোন দূর সম্পর্কের আত্মীয় কৈকবাদের এলবর্জ্জ হইতে আনাইয়া পারশ্বের সিংহাসনে বসাইয়া দেন। এ নিমিত্ত কৈকবাদ, জাল ও রস্তুমকে অত্যন্ত সম্মান করিতেন। কিন্তু কৈকবাদের হৃড়ায় পর যুবক কৈকাস রাজা হইয়া রস্তুমের প্রতি তদ্রূপ

* এইরূপ কিম্বদন্তি আছে যে জাল শুভ্রকেশসহ জন্মগ্রহণ করেন। নবজাত বালকের শুভ্রকেশ অমঙ্গলের চিহ্ন বলিয়া তাঁহাকে কোন নিভৃত পর্বতে পরিত্যক্ত করা হয়। ত্রিকিন, গৃধ্র বিশেষ, সেই অসহায় শিশুকে রক্ষা ও লালন পালন করিয়াছিল।

সম্মান প্রদর্শন করিতেন না। ইহা সত্ত্বেও ফেরিডন-বংশের প্রতি শ্রদ্ধা হেতু রস্তুম্ রাজাকে তিন বার বিপদ হইতে উদ্ধার করিয়াছিলেন।

কথিত আছে একদা রস্তুম্ কোন অরণ্যে যুগয়া করিতে গিয়াছিলেন। যুগয়ার পর বিশ্রামকালে নিদ্রিত হইয়াছিলেন, তাঁহার প্রিয় অশ্ব রুক্ষ নিকটে চরিতে ছিল। নিদ্রাকালে একদল ভ্রমণকারী তাতার রুক্ষকে লইয়া যায়। নিদ্রাবসানে রস্তুম্ রুক্ষকে দেখিতে না পাইয়া ব্যাকুল হইয়া অশ্বের পদচিহ্ন অনুসরণপূর্বক আদের-বিজান প্রদেশে উপস্থিত হইলেন। আদের-বিজানের অধিপতি, বীর রস্তুম্কে সাদরে গ্রহণ করিয়া, তাঁহার কন্যা তামিনার সহিত রস্তুমের বিবাহ দিলেন। কিয়ৎকাল তথায় সুখে বাস করিবার পর রস্তুম্ ষষ্ঠবর্তী তামিনাকে একটি মাদুলী প্রদানপূর্বক পুল হইলে ইহা উহার হস্তে এবং কন্যা হইলে উহার মস্তকের কেশে ধারণ করাইবে, এই আদেশ প্রদানপূর্বক আদের-বিজান পরিত্যাগ করিলেন। কালক্রমে তামিনার এক পুল জন্মগ্রহণ করিল। পাছে স্বামী তাঁহার পুলকে লইয়া যান এই ভয়ে তামিনা রস্তুমের

নিকট কণ্ঠা জন্মগ্রহণ করিয়াছে সংবাদ পাঠাইলেন।
কণ্ঠা হইয়াছে অবগত হইয়া রস্তুম্ মনে মনে কিঞ্চিৎ
দুঃখিত হইলেন এবং তদবধি তামিনা বা তথা-কথিত
কণ্ঠার কোন সংবাদ লইলেন না।

ক্রমে ক্রমে রস্তুম্-পুত্র সোরাব্ বয়ঃপ্রাপ্ত হইতে
লাগিল। বাল্যকালেই সে অতিশয় বলশালী বলিয়া
পরিচিত হইয়াছিল। মাতার নিকটে পিতার নাম
ও তাঁহার বীরত্ব-কাহিনী শ্রবণ করিয়া বালক
সোরাব্ কল্পনা করিল যে পারশ্ব-রাজ কৈকাস ও
তাতার-অধিপতি আফেসাবকে পরাভূত করিয়া
পিতাকে পারশ্ব ও তাতারের অধিপতি করিবে।

এদিকে তাতার-অধিপতি আফেসাব প্রভূত
বলশালী সোরাবের বিষয় অবগত হইয়া, কণ্টক
দ্বারা কণ্টক উদ্ধার করিবার মানসে সোরাব্কে বহু
সৈন্য ও অর্থ দিয়া স্বীয় শত্রু পারশ্বরাজ ও রস্তুমের
বিরুদ্ধে প্রেরণ করিলেন এবং সৈন্যাধ্যক্ষদিগকে
সতর্ক করিয়া দিলেন যেন কোনরূপে সোরাবের
সহিত রস্তুমের পরিচয় না হয়।

পারশ্বের যুবক নৃপতি কৈকাস, সোরাব্ যুদ্ধ
করিতে আসিতেছে অবগত হইয়া, অত্যন্ত ভীত

হইলেন এবং সাহায্যের জন্ত রস্তুমের নিকট এক দূত প্রেরণ করিলেন। দূতের সম্বন্ধনার নিমিত্ত রস্তুম নানাপ্রকার উৎসবের আয়োজন করিতে লাগিলেন। অষ্টাহ অতীত হইবার পর রস্তুম রাজ-সন্নিধানে উপস্থিত হইলেন। রাজা রস্তুমের বিলম্ব আগমনে ক্রুদ্ধ হইয়া তাঁহাকে সাদরে গ্রহণ করা দূরে থাকুক বরং অবমাননা করিলেন এবং তাঁহাকে শূলে দেওয়া হইবে এই আদেশ করিলেন। রাজাজ্ঞা শ্রবণমাত্রেই রস্তুম স্বীয় অশ্বে আরোহণ এবং রাজাকে ভৎসনা পূর্বক তথা হইতে প্রত্যাগমন করিলেন।

এই ঘটনায় রাজপক্ষীয়েরা অত্যন্ত ভীত হইলেন। অবশেষে তাঁহারা পরামর্শপূর্বক চতুর সেনানী গুডুরুজকে রস্তুম সন্নিধানে প্রেরণ করিলেন। তিনি অনেক তর্ক বিতর্কের পর, রাজার পক্ষ হইয়া যুদ্ধ করিবার নিমিত্ত রস্তুমকে সম্মত করাইলেন।

ইতোমধ্যে সোরাব্ হজির নামক পারশ্বের এক সেনাপতিকে পরাস্ত ও বন্দী করিয়াছিল। একদিন উক্ত বন্দী সেনাপতিকে এক অত্যাচছ স্থান হইতে পারশ্বের কোন্ সেনাপতির কোন্ শিবির তাহা নির্দেশ করিয়া দিতে কহিলে, হজির রস্তুম ব্যতীত সকল

সেনাপতির নাম ও তাঁহাদিগের প্রত্যেকের চিহ্নিত শিবির দেখাইয়া দিলেন। পাছে সোরাব্ রস্তুমের নাম ও সন্ধান পাইয়া তাঁহার প্রাণসংহার করে এই আশঙ্কায় তিনি রস্তুমের নাম উল্লেখ করিলেন না। পরে সোরাব্ দ্বন্দ্বযুদ্ধের নিমিত্ত পারশ্বের প্রধান বীরকে আহ্বান করিলে, রস্তুম্ পারশ্বরাজের পক্ষ হইয়া সেই দ্বন্দ্বযুদ্ধ নিমন্ত্রণ গ্রহণ করেন।

সোরাবের সহিত রস্তুমের তিন দিবস দ্বন্দ্ব-যুদ্ধ হইয়াছিল। প্রথম দিন কেহ কাহাকেও পরাস্ত করিতে পারে নাই। কিন্তু রস্তুম্ মস্তকে প্রবল আঘাত পাইয়া ঘুরিয়া পড়িয়া গিয়াছিলেন। দ্বিতীয় দিনের যুদ্ধেও রস্তুম্ ভূমিতে পড়িয়া গিয়াছিলেন। এই অবসরে সোরাব্ রস্তুমের মস্তক ছেদন করিতে পারিত, কিন্তু রস্তুম্ বলিলেন আমাদের দেশের নিয়ম এই প্রথম বার পতিত শত্রুকে বিনাশ করে না। সোরাব্ সেই নিয়ম মান্য করিল। তৃতীয় দিন দিবস-বাপী যুদ্ধ হয়। অবশেষে রস্তুম্ সোরাব্কে শূলদ্বারা বিদ্ধ করেন। সেই শূলাঘাতেই সোরাবের প্রাণত্যাগ ঘটে। পূর্বেক্ত বর্ণনার সহিত আর-নন্দের বর্ণিত বিষয়ের পার্থক্য পাঠকগণ অবগুহ

সোরাব্ ও রস্তুন্ ।

নিদাঘের রবিকরে পামীর তুমার
দ্রবি যেই নিম্ন সমতল অক্ষ-তীর
করয়ে প্লাবিত, তথা মধুচক্র মত
কাল বস্ত্রাবাসগুলি হয়েছে প্রোথিত ।
অতিক্রমি সেইগুলি উপনীত বীর
ক্ষুদ্র গিরিপার্শ্বে, প্লাবনের প্রান্ত-দেশে,
তীর হ'তে অল্প দূরে, গ্রীষ্ম-তীর-ঘাটে ।

পুরাকালে লোকে সেই ক্ষুদ্র গিরি'পরে,
মৃত্তিকার দুর্গ সব করিত নির্মাণ,
শোভে তা'রা তদুপরি যুকুটের মত ;
বিনষ্ট সে দুর্গ এবে, তথায় তাতার-
গণ করেছে নির্মাণ পিরাণের পট-
দাস, কাঠের গম্বুজ, কঙ্কলে আবৃত ।
তারপর অতিক্রমি শিবির-সাগর
সোরাব্ পৌঁছিল গিয়া পিরাণের দ্বারে ।
ধাঁরে ধাঁরে প্রবেশি ভিতরে, দাঁড়াইল
বীর গিয়া প্রসারিত কার্পেট উপরে ;
নিরখিল, প্রাচীন পিরাণ স্বীয় লোম-
আস্তরণে রয়েছে নিদ্রিত, পাশ্বে অস্ত
শস্ত্র ; বৃদ্ধের তরল নিদ্রা, জাগরিল

সোরাব্ ও রুস্তম্

সোরাবের ক্ষীণ পদ-ক্ষেপ প্রবেশিলে
কাণে ; ভূজে ভর দিয়া অর্দ্ধোখিত হ'য়ে,
জিজ্ঞাসিল বৃদ্ধ, কে তুমি এ উষাকালে ?
কি সংবাদ ? শত্রু-পক্ষ করেনিত অত-
কিত নিশা আক্রমণ তাতার-শিবির ?

অগ্রসরি শয্যাপার্শ্বে কহিলা সোরাব্,
সেনাপতি মহাশয়, আসিয়াছি আমি,
অরুণ উদয়াচলে উঠেনি এখন,
নিদ্রাগত অরিদল, সমস্ত রজনী
জাগরিত থাকি, করিয়াছি ছট্‌ফট্,
উপনীত এবে আমি আপনার পাশ ;
যাত্রা করিবার পূর্বে রাজার আদেশ
ছিল, ল'তে উপদেশ তব কাছে পিতৃ
জ্ঞান করি, তাই আমি এসেছি হেথায়,
নিবেদিতে তব পাশে হৃদয়-বাসনা ।
জানেন আপনি, আসি আদ্রবাজি হ'তে,
প্রবেশিয়া তাতারের দলে ধরি অস্ত্র,
করিয়াছি যথোচিত নৃপতির সেবা ।
বাল্যে দেখাইলু আমি যুবার বিক্রম ।
ইহাও জানেন বহিয়াছি যবে তাতা-

সোরাব্, ও রস্তুম্ ।

বের বিজয়-কেতন দেশ দেশান্তরে
পরাজিয়া প্রতিযুদ্ধে পারসীক দলে,
অন্বেষণ করি এক জনে, এক জনে,
মাত্র এক জনে, রস্তুম্ জনক মূম ।
আশা ছিল এক দিন পিতৃদেব মোর,
সুযোধিত রণক্ষেত্রে সস্তানিবে তাঁ'র
সুপ্রতিষ্ঠ, উপযুক্ত প্রিয় তনয়েরে ;
এত দিন পোষি আশা, কিন্তু পাই নাই
তাঁ'রে, তাই সেনাপতি নিবেদি এক্ষণে,
পূরণ করুন গুনি প্রার্থনা আমার ;
উভয় পক্ষের সৈন্য লভুক বিশ্রাম
আজি, কিন্তু হৃদয়ক্ষে আস্থানিব আমি
পারশ্বের বীরচূড়ামণি, জয়ী হলে
হৃদয়ক্ষে পিতা মোর গুনিবে নিশ্চয়.
পরাজিত হলে, নিশ্চূলিত হবে আশা
জীবনের সাথে ; মৃতের কি আশা থাকে
আত্মীয় বান্ধবে । হৃদয়ক্ষে যশঃ ভরা
হয় বিঘোষিত, সামান্য সমরে কত
শত শত বীর মরে কে করে গণন ।
যশঃ ভাগ্যে মিলেনা তাদের । তেঁই কহি

সেনাপতি অনুমতি দিন স্বন্দ্বযুদ্ধে ।

শুনি সোরাবের সেই আকুল প্রার্থনা.

দীর্ঘশ্বাস ফেলি, ল'য়ে যুবকের কর

নিজ করে, কহিলা বৃদ্ধ সন্তোহ বচনে,

হে বৎস সোরাব্ ! উদ্ভিন্ন হৃদয় তব ;

তাতারের নেতৃদলে পারনা থাকিতে—

তা'রা তোরে ভালবাসে—লাভিতে ভাগ্যের

ফল, সাধারণ যুদ্ধে তাহাদের সনে ?

স্বন্দ্বযুদ্ধে বিয় বেশী বৎস ! কেন তাতে

করেছ মনন অশ্বেষিতে পিতৃদেবে

হের নাই কভু যা'রে নয়নে তোমার !

পরিতুষ্ট হ'য়ে থাক আমাদের সাথে

সমর সময়ে বৎস, তাতার-শিবিরে ;

শান্তিকালে আফ্রেসিয়া নগরে নগরে,

ইহাই উত্তম যুক্তি আমার বিচারে ।

একান্ত বাসনা যদি হয়ে থাকে তব

অশ্বেষিতে পূজ্য পিতৃদেবে, যুদ্ধে নহে,

শান্তিপথে কর অন্বেষণ ; অনাহত

পুত্র যেন পিতৃক্রোড়ে হয় উপস্থিত ।

: বৎস ! শুন এক কথা, পিতা তব

সোরাব্ ও রস্তম্ ।

অরি-দলসহ নাহি করে অবস্থিতি,
অন্বেষণ কর তা'রে দূর দেশে এবে ;
আমার যৌবন কালে, হেরেছি রস্তমে
অগ্রসর হ'তে প্রতি যুদ্ধে, নাহি সেই
কাল ; এবে তিনি নিবসেন নিজ গৃহে
বৃদ্ধ পিতা জাল সহ সিষ্টান নগরে ।
প্রবল বিক্রম তাঁ'র অনুভবি এবে
বার্কিক্যের পরিহার্য ঘণ্য আগমন,
অথবা বিবাদ করি নৃপতির সনে,
গেছে চলি নিজ দেশে করিতে বিশ্রাম
যাও তথা ; পরিহর তোমার প্রার্থনা,
আনন্দে প্রেরিব তোমা এই স্থান হ'তে
একান্তই স্বন্দযুদ্ধে করহ নির্ভর,
অবশ্যই মত দিতে হইবে আমার ;
কিন্তু বৎস ! কহিছে হৃদয় মোর,
বিপদ অথবা মৃত্যু ঘেরিয়াছে তোরে
আজি এই রণ স্থলে । তাতারের পক্ষ
ত্যাগি করিলে গমন, ক্রতি আছে তায়,
কিন্তু তার চেয়ে আনন্দ হইবে মোর,
যদি ভূমি নিরাপদে পাও পিতৃদেহে

সোরাব্ ও রস্তুম্ ।

হৃদয়ুদ্ব অভিলাষ করি পরিত্যাগ ।
সোরাবের মনোভাব বুঝিয়া আবার,
কহিতে লাগিলা বৃদ্ধ পিরাণ তখন,
কেবা নিবারিবে হয়, রস্তুম্-তনয়ে
হৃদয়ুদ্ব হ'তে যথা কেশরী-কিশোরে
বিমুখিতে নারে শিকার উন্মুখ যবে ।
যাও বৎস ! দিনু অনুমতি, পুরা'ব
বাসনা তব । এই বলি দিল ছাড়ি
সোরাবের হাত ; লোম-শয্যা পরিহরি,
শীতার্ভ শরীরে দিল উর্গা-আঙরাখা,
পদযুগে বাধি চটি জুতা, রাখি শির'-
পরে সূচিক্ৰণ কৃষ্ণবর্ণ মেঘচন্দ্র
বিনির্মিত কারকেল টুপী, দেহখানি
আচ্ছাদিল শ্বেত প্রাবরণে । শিবিরের
যবনিকা তুলি বাহিরিল বৃদ্ধ ল'য়ে
সব্য করে রাজ-দণ্ড, সঙ্গে অগ্রদূত ।

উদিত আদিত্য এবে, অক্ষ নদী'পরে
কুহেলিকা গেছে মিশে আকাশের গায় ;
কার্তিকের হিমাদী প্রভাতে, লক্ষগ্রীব
সারসেরা আরাল-সঙ্গম হ'তে শ্রেণী

সোরাব্ ও রস্তুম্ ।

বন্ধ ধায় যথা পারশ্চের উপকূলে,
সেই মত তাতারের অখারোহীগণ,
দলে দলে বাহিরিয়া প্রবাহের মত
কাল বস্ত্রাবাস হতে, উগ্ৰু প্রান্তরে
উপনীত, দ্বিতীয় সেনানী, পিরাণের
অধস্তন, যুবা বীর হামান-আজ্জায় ।

প্রথমে আসিল রাজরক্ষি সৈন্য অক্ষ-
কূল-বাসী, দীর্ঘ-দেহী, উচ্চ অশ্বোপরি,
মেষচর্ম-শিরস্ত্রাণ, হস্তে ল'য়ে ভল্ল,
করে তা'রা পান অশ্ব-দুষ্ক-জাত সুরা ।
পরে আসি দেখা দিল পরিমিতাচারী
তাতারের দল, লঘু-দেহ-ধারী, ক্রতগামী
অশ্বোপরি, উগ্র উষ্ট্র-দুষ্ক, আর কূপো-
দকে করে থাকে তা'রা পিপাসার শান্তি
তারপর অশ্বসাদী যাযাবর দল,
রাজ অশুগত তা'রা ছিলনা তেমন,
উহাদের মধ্যে ছিল যক্ষ-তীরবাসী
স্বল্প-শ্মশ্রু-ধারী, করোটীয়া টুপী মাথে
ফারগানগণ আর কিপচকবাসী
কামক, কুজক জাতি ভ্রমে মরুদেশে.

কিরজিক জাতি আরোহিয়া পামীরের
টাটুঘোড়া, উপনীত উনুক্ত সৈকতে ।

অন্যদিকে পারসিক পক্ষে লঘু অস্ত্রে
সুসজ্জিত খোরাসানবাসী স্তম্ভসাদী,
আকারে প্রকারে তা'রা তাতারের মত ;
পশ্চাতে তা'দেব, রাজসৈন্য, সাদী, পদা-
তিক, সুসজ্জিত অয়স্-মণ্ডিত বর্শে ।

অতিক্রমি তাতারের অশ্বারোহী দল,
শিবর্ত্তিয়া রাজ-দণ্ডে সম্মুখের সেনা,
অগ্রদূতসহ পিরাণ আসিল তথা ।
পিরাণের কার্যাবলী দেখি, পারশ্চের
সেনাপতি শূলপাণী ফিরুদ সুমতি
নিবারিলা নিজ দলে অগ্রসর হ'তে ।
দাঁড়াইয়া দুই নীরব বাহিনী মাঝে,
কহিলা সম্ভাষি উচ্চে প্রাচীন পিরাণ,
শুনহ ফিরুদ আর শুন সৈন্যগণ,
আজিকার মত যুদ্ধ হউক স্থগিত,
পারশ্চের মধ্য হ'তে কর নির্বাচন
এক বীর-চুড়ামণি, বন্দ্যুদ্ব করি-
বারে, তাতারের বীর সোরাবের সনে ।

সোরাব্, ও রস্তুম্ ।

শশ্বের মঞ্জরী যথা শারদ প্রভাতে
শোভি মুক্তাফল মত শিশির নিচয়ে,
আনন্দে কম্পিত হয় তা'দের হৃদয়,
তথা শুনি পিরাণের বাণী, তাতারের
সৈন্ত্যমাবে, বহিল আনন্দ শ্রোত, অল্প-
ভবি আশা, গর্ভ, প্রিয় সোরাবের তরে ।

কানুলের ব্যবসায়িদল হিন্দুকুশ
অতিক্রম কালে—চূড়া বার চূষিছে
অম্বর, দুষ্কনিভ তুহিনে আরত—
বায়ুর তারল্য হেতু বদ্ধ শ্বাস হ'য়ে
যথা প্রাণ ত্যজে পক্ষিকুল, রোধে শ্বাস,
ক্ষণমাত্র নাহি অবসর ভিজাইতে
শুককণ্ঠ, শর্করা মিশ্রিত তুঁতফলে.
পাছে নিশ্বাসের বেগে, স্থলিত তুষার-
স্তূপ মূত্য়া সংঘটন করে, সেইরূপ
মলিন পারশ্ব-সৈন্ত, শুনি বৃদ্ধ পিরা-
ণের বাণী, আশঙ্কায় রোধিল নিশ্বাস ।

শুভুরুজ, জোবহারা, ফেরাবুর্জ আদি
সহযোগী নেতৃত্ব পুরামর্শ তরে,
ফিরুদ সমীপে তাঁ'রা করিল গমন ।

সেনাপতি গুডুরুজ্ কহিতে লাগিলা,
শরম করিছে বাধ্য করিতে গ্রহণ
তাতারের 'যুদ্ধং দেহি' নিমন্ত্রণ বাক্য ।
হায় ! সিংহসম পরাক্রম, ক্ষিপ্রগতি
বনমৃগ মত যুবক সোরাব্ সনে,
যুদ্ধ করে হেন বীর নাহি একজন
আমাদের দলে । কিন্তু গত নিশাযোগে
এসেছে রস্তুম্ হেথা, কুপিত মোদের
প্রতি, তাই আছে দূরে স্বতন্ত্র শিবিরে,
অশ্বেষিয়া তা'রে, শুনাব শ্রবণে তা'র,
যুদ্ধ নিমন্ত্রণ আর যুবকের নাম ।
শুনিলে এসব কথা হ'তে পারে তা'র
ক্রোধ অপনীত পারশ্চের প্রতি, আর
যুদ্ধও করিতে পারে সোরাবের সনে ।
তিষ্ঠ ঋণকাল হেথা, চলিলাম আমি,
গ্রহণ করহ তুমি যুদ্ধ নিমন্ত্রণ ।

এতেক কহিয়া বীর গেলা রস্তুমের
অশ্বেষণে । কহে উচ্চে স্মৃতি ফিরুদ,
তাই হ'ক প্রাচীন পিরাণ, যুদ্ধ-সাজে
সাজুক সোরাব্, প্রতিদ্বন্দ্বী দিব তা'র ।

সোরাব্ ও রস্তুম্ ।

শুনি ফিরুদের বাণী, ফিরিল পিরাণ,
অশ্বসাদী মধ্য দিয়া আপন শিবিরে ।
প্রধাবিয়া গুডুরুজ চিন্তাশ্চিত সৈন্য
মধ্য দিয়া, অতিক্রমি শিবির-সাগর,
উপনীত বালুময় স্থানে, রক্তবর্ণ
বন্যাবাস শ্রেণী হয়েছে স্থাপিত যথা
ক্ষণ পূর্বে, দীপ্ত তা'রা অরুণ কিরণে ;
মধ্যে উচ্চ চন্দ্রাতপে বৈসেন রস্তুম্,
চারিপাশে অবস্থিত অমুচরগণ ।
উত্তরিয়া গুডুরুজ পটবাস দ্বারে,
হেরিল রস্তুমে প্রাতরাশ করি সমা-
পন, রয়েছে বসিয়া অলসের মত,
মণিবন্ধে লয়ে শোন করিতেছে খেলা !
অবশিষ্ট ভোজ্য দ্রব্য নহে নিরাকৃত,
ঝলসিত মেঘ-পার্শ্বদেশ, কৃষ্ণবর্ণ
কাঁচা ধরমুজা, রুটির পিষ্টক আদি,
এখনও রয়েছে তা'রা পীঠিকা উপরে ।
গুডুরুজে হেরি বীর উঠি দাঁড়াইল
মহোল্লাসে, ফেলি শোন মণিবন্ধ হ'তে,
প্রসারিয়া বাহুগ, আহ্বানিয়া তা'রে,

সোরাব্ ও রশ্তম্ ।

কহিতে লাগিলা, হায় ! কি দৃশ্য হেরিল
আজি নয়ন আমার ! কি সন্দেশ, কহ
ভাই । থাক কথা এবে, খাও, পিও, আগে ।
পটবাস দ্বারে থাকি কহেঁ শুড়ুরুজ,
নহেত এখন পান ভোজনের কাল,
কার্য আছে মোর ; উভয় পক্ষের সৈন্য
সাজি রণ-সাজে, চাহে পরস্পর প্রতি ;
তাতারের পক্ষ হ'তে এসেছে আহ্বান
দ্বন্দ্বযুদ্ধ করিবারে, পারস্যের বীর
সনে ; তাতারের বীর সোরাব্ তাহার
নাম শুনিয়াছ, বংশ নহে পরিজ্ঞাত ।
কিন্তু হে রশ্তম্ ! তোমার মতন বীর
সে যুবক, বিক্রমে কেশরী সম, গতি
বন হরিণীর মত, বয়সে বালক ।
ইরাণের যোদ্ধৃ বৃন্দ হয়েছে প্রাচীন,
যুবক যোদ্ধারা নহে বলী সোরাবের
মত । কি উপায় কহ এবে । সকলের
দৃষ্টি আজি বন্ধ তব প্রতি ; এস বীর,
রাধ মান পারস্যের হ'য়ে অনুকূল,
নতুবা মজিব মোরা তাতারের হাতে ।

সোরাব্ ও রস্তুম্ ।

বিক্রপের হাশ্বসহ কহিলা রস্তুম্,
যাও, যাও, ইরাণের বীরবৃন্দ যদি
হ'য়ে থাকে বৃদ্ধ, আমি তবে বর্ষীয়ান্ ।
যুবক যোদ্ধারা যদি নহে বলীয়ান্,
নৃপতির ভ্রান্তি তবে হইয়াছে, হায় !
নৃপতি যুবক, যুবীর সম্মান করে,
বৃদ্ধ বীরগণে আর না করে আদর,
রাজকার্যে নাহি পায় স্থান, অনাদৃত
হ'য়ে তা'রা সমাধিরে করে আলিঙ্গন ।
নাহি প্রেম রস্তুমের প্রতি, প্রীতি তাঁ'র
যুবকের প্রতি । সোরাবের যশঃ বার্তা
শুনিবার তরে কিবা মম প্রয়োজন ?
যুবক যোদ্ধারা সবে করুক গ্রহণ
সোরাবের বৃন্দযুদ্ধ নিমন্ত্রণ এবে ।
অহো কি আনন্দ ! যদি সোরাবের মত
হত এক পুত্র মোর কণ্ঠা পরিবর্তে ;
যশস্বী, সাহসী পুত্রে পাঠাইতে রণে ।
তুঘার-ধবল কেশ পিতৃসহ মোর,
ধাকিতাম দেশে আমি রক্ষিতে তাঁহায়ে
আফগান দস্যু হ'তে । আমি ভিন্ন নাহি

সোরাব্ ও রস্তুম্ ।

কেহ তাঁ'র, সুযোগ পাইলে তা'রা কাড়ি

লয় রাজ্য অংশ, চুরি করে পশুপাল ।

তথা যাইতাম আমি রাখিতাম তুলি

বর্ষ চর্ষ আদি । অর্জিত সুনাম দ্বারা

রক্ষিতাম জনকেরে শক্রগণ হ'তে ।

উপার্জিত অর্থে আমি যাপিতাম সুখে

জীবনের অবশিষ্ট কাল । সন্তানের

যশঃ গান শুনিতাম কাণে ; অকৃতজ্ঞ

নৃপগণ তরে এই হনন-নিপুণ

হস্তে নাহি ধরিতাম কভু তরবারি ।

যেতো রসাতলে তাহাদের চমুচয় ।

এত বলি হাস্যসহ নিব্বাবিলা বীর ।

ধীরে ধীরে উত্তরিল গুডুরুজ তবে,

হে রস্তুম্ ! কিন্তু লোকে কি কহিবে ? যবে

সোরাব্ যাচিছে যুদ্ধ আমাদের শ্রেষ্ঠ

বীর সনে, বিশেষে তোমারে, আর তুমি

লুকাইছ মুখ তব সাধারণ হ'তে ?

মনে রেখো বীর, যাহা রটাইবে লোকে,

প্রাচীণ রূপণ যত রস্তুম্ এক্ষণে

আপনার কীর্তিরাশি রেখেছে যতনে ।

সোরাব্ ও রস্তুম্ ।

শক্তি হযেছে বৃদ্ধ যুঝিতে যুবকে,
পাছে অকলঙ্ক যশঃ কলঙ্কিত হয় ।
গুডুরুজ্জ বাক্য শুনি হয়ে বিচলিত,
উত্তর করিলা বীর, ওহে গুডুরুজ্জ !
কিসের লাগিয়া তুমি বল এত কথা ?
এর চেয়ে ভাল কথা জান তুমি ভাই ।
কঠোর বাক্যের যোগ্য নহিত কখন ।
আর এক কথা তুমি ভাল জ্ঞাত আছ,
রস্তুম্ করেনা গ্রাহ তা'র অরিগণে ।
আজীবন বহু যুদ্ধে জয়শীল যেই,
কি ছার তাহার কাছে তুলি যুবা কিংবা
বৃদ্ধ, বীর, কাপুরুষ আর জ্ঞাত, অজ্ঞা-
তের কথা, নহে কি তাহার মর্ত্য, আমি
ও অমর নহি, সকলেরে যেতে হবে
শমন-সদনে, তবে কেন বৃথা মোরা
করি কাটাকাটি । অসার মানব তরে
কে আছ এমন সাধিবে মহান্ কাজ
• আর । তবু ভাই দেখাইব আজি তোমা
কেমনে রস্তুম্ সঞ্চিয়েছে কীর্তি তা'র ।
প্রতিজ্ঞা করিয়া ভজ, ইরাণের তরে,

সোরাব্ ও রস্তুম্ ।

অজ্ঞানিত ভাবে, অচিহ্নিত অস্ত্রে সাজি,
সমরিব আমি, যেন লোকে নাহি বলে
মর্ত্যসহ ধন্বযুদ্ধ করেছে রস্তুম্ ।
ক্রকুটির সহ বাক্য করি সমাপন,
নিরাবিনা বীর । হরষ-তরাসে ব্যগ্র
গেলা গুড়ুরুজ স্বীয় শিবিরের পানে ।
শঙ্কিত নিরখি রোষ রস্তুম্-নয়নে,
হরষিত হ'ল যুদ্ধ করিবেন বলী ।

অগ্রসরি দ্বারদেশে অনুচরে ডাকি,
আদেশ করিলা বীর অস্ত্র আনয়নে,
অচিহ্নিত বর্শে চর্শে হইল সজ্জিত,
সুবর্ণ-খচিত মহার্ঘ্য সুন্দর অশ্ব-
পুচ্ছ-গুচ্ছশোভি শিরস্রাণ শোভে শিরে,
বাহিরিলা বীর ল'য়ে রুক্ষ বাজিরাজি,—
খ্যাতি যা'র ব্যাপ্ত এবে মেদিনী মণ্ডলে,—
কিরাতের সাথে যথা শিকারী কুকুর ।
বোধারার অভিযান কালে, নদী-তীরে
হেরিল রস্তুম্ এক তুরগ-শাবক,
আনন্দে করিছে তা'র মাতৃস্তু পান,
স্নেহেতে পালিল তা'রে গৃহে ল'য়ে গিয়া ।

সোরাব্ ও রস্তুম্ ।

পাটল তাহার বর্ণ, সুদীর্ঘ কেশর
শোভে গ্রীবাদেশে, পৃষ্ঠে আছে পল্যয়ন,
হরিত প্রান্ত স্বর্ণ-খচিত, মধ্যস্থলে
চিত্রাকরে শোভে লুক্কাত পশু যত ।
তাজি বজ্রাবাস বীর, উপনীত যথা
পারশুর সৈন্যদল করে অবস্থিতি ।
নয়ন আবদ্ধ তাঁ'র তাতার-শিবিরে ।
ইরাণেরা আহ্বানিল করি জয়ধ্বনি,
নিস্তরু তাতার-সৈন্য, চিনেনা তাহারা ।
সিক্ত নিমজ্জক যথা পত্নীর নয়নে
প্রিয়,—যবে পতি যায় শুক্তি সঞ্চয়নে,
সারাদিন নিমজ্জিয়ে পারশুর নীল
উশ্মিতলে, আর ম্লানমুখী আঁখিজলে
ভাসি, স্বামী-আগমন করয়ে প্রতীক্ষা,—
সন্ধ্যাকালে ফিরে ল'য়ে নিরুপিত মূল্য-
বান্ শুক্তি সমুদয়, মিলে পত্নীসনে
বাহিরিক দ্বীপ মাঝে সৈকত কুটীরে,
তথা রস্তুমের আগমন হ'ল অতি
প্রিয় ম্লান পারসিক সৈন্যদল মাঝে ।
কৃষক যেমতি করে দেয় অপ্রশস্ত

সোরাব্ ও রস্তুম্ ।

পথ, ধনাচ্যের শশুপূর্ণ ক্ষেত্র মধ্য
দিয়া, কাটি মধ্যজাত শশু সমুদয়,
তেমতি বঙ্গমধারী অশ্বসাদীগণ,
দাঁড়াইল দুই পাশে, মধ্যে বালুভূমি ।
পারশু সৈন্যের অগ্রে আইলা রস্তুম্,
দাঁড়াইল সৈকত চত্বরে একবার,
নিরখিল। ভাতারের বস্ত্রাবাস পানে ।
হামান-শিবিরে সাজি আসিল সোরাব্,
আগমন কালে হেরে রস্তুম্ তাহারে ।

ধনবতী নারী যথা হিমালী প্রত্যাষে,—
তারাগুলি মিশে নাই আকাশের গায়,
নৌহারের কণা রচিয়াছে গৃহ-আদ্র-
বাঘু, কুম্বের মত গুবাক্কের কাছে,—
কৌশেয় বসনজাত যবলিকা পাশ
দিয়া, দেখে, আর ভাবে, কি প্রকারে দাসী
তা'র, মলিন অসাড় হস্তে, আলিতেছে
বহি, আর কেমনে সে আছে বেঁচে, হায় !
কিবা চিন্তা মনে তা'র হ'তেছে উদ্ভিত !
তেমতি রস্তুম্ নিরখিল। বহুক্ৰণ
সাহসিক কার্যকারী অজ্ঞাত যুবকে,

সোরাব্ ও রস্তম্ ।

আসিয়াছে বহু দূর হ'তে অশেষিতে
রস্তমেরে, উপেক্ষিয়া ইরাণের বীরে ।
হেরি তা'র ওজস্বিতা বিশ্বয়ে ভাবিল,
কে এ যুবা অল্প বয়ঃ সাইপ্রেস, বৃক্ষ
যথা উন্নত, সরল, রাজ্ঞীর নিকুঞ্জে
হ'য়ে স্নেহেতে পালিত, রাখে প্রতিবিম্ব
জ্যোৎস্নায় উদ্ভাসিত তৃণারত স্থানে,
মুখরিতা নিৰ্বরিণী প্রবাহিতা নীচে ।
সেরূপ সোরাব্ ক্ষীণ, স্নেহেতে পালিত ।
চিন্তাকালে উপজিল হৃদে দয়া তা'র,
দাঁড়াইয়া হস্ত তুলি করিলা ইঙ্গিত
আসিতে নিকটে, পরে স্নেহে কহিলা,
হে বালক ! শুন মোর কথা, স্বৰ্গ-সমী-
রণ উষ্ণ, সুখকর, কিন্তু সমাধির
বায়ু হিম, ক্লেশকর, তাই বলি বৎস !
স্বৰ্গ-সমীরণ করহ সেবন এবে,
হের মোর প্রকাণ্ড মুরতি, তাহে লৌহ
বন্দ্যারত । বহু রণ করিয়াছি অরি
সনে, করি নাই কভু পৃষ্ঠ প্রদর্শন
রণমাঝে, রাখি নাই অরিকে জীবিত ।

সোরাব্ ও রস্তুম্ ।

হে সোরাব্ ! কেন হায় ! আলিজিছ তুমি
কৃতান্তে। শান্ত হও বৎস এবে, পরি-
হরি তাতারের পক্ষ, করহ আশ্রয়
ইরানীয়ে । পুত্রবৎ হ'য়ে, কর রণ
আমার পতাকা-তলে, যত দিন বাঁচি ।
তোমার মতন সাহসিক যুবা, নাহি
এক জন ইরানীর সেনানী-মণ্ডলে ।
শুনিল সোরাব্ তাঁ'র ওজস্বিনী বাণী,
নিরখিল দীর্ঘ বপু সৈকত উপরে,
আছে যেন সোধ মরুভূমে, পুরাকালে
পাছুক্রমে রাক্ষবারে দস্যু-হস্ত হ'তে ।
রস্তুমের কেশপাশ হেরিয়া সোরাব্,
সবে মাত্র ধূসরিত, আশায় হইল
পূর্ণ হৃদয় তাহার । দৌড়ি আলিজিলা
জানুযুগ, রাখি নিজ হস্ত তাঁ'র হস্তে,
কহিতে লাগিলা, তোমার পিতার দিব্য.
আর দিব্য তব, বল, তুমি কে ? রস্তুম্ ?
অপাঙ্গে করিল দৃষ্টি নত যুবকের
প্রতি, ফিরি অন্য দিকে ভাবে মনে মনে,
অহো কি আশ্চর্য্য ! কিবা অভিসন্ধি ধূর্ত

সোরাব্ ও রস্তুম্ ।

করিয়াছে এবে । অবিশ্বাসী, প্রতারণক,
অহঙ্কারী তাতার-বালকগণ ; যদি
পরিহরি এবে ছদ্মবেশ, পরিচয়
দিই প্রশ্ন মত “রস্তুম্ রয়েছে হেথা,”
নিশ্চয় ও বশীভূত হবেনা আমার,
তাতারের পক্ষ ত্যজি আসিবেনা কভু,
ছল করি করিবেনা যুদ্ধ মোর সাথে,
তোষামোদি সম্মুখে আমার, সৌজন্যের
পরাকাষ্ঠা দেখাইবে মোরে, প্রদানিয়া
উপহার, তরবারি কিংবা সারসন ।
এইরূপে তুষি মোরে যাবে নিজ দেশে ;
ভোজ-উৎসবকালে তাতার-প্রাসাদে,
দাঁড়াইয়া কহিবেক সবার সমক্ষে
যুক্ত কণ্ঠে, একদিন যবে অক্ষ-নদী
কূলে, দুই সৈন্যদল হ’ল সমাবেশ,
দ্বন্দ্বযুদ্ধ করিবারে, করেছি আহ্বান
ইরাণের বীরবৃন্দে, কিন্তু কেহ হয়
নাই অগ্রসর করিতে গ্রহণ মম
দ্বন্দ্বযুদ্ধ নিমন্ত্রণ । কেবল রস্তুম্
সাহসে নির্ভর করি এসেছিল তথা ।

সোরাব্ ও রস্তুম্ ।

উভয়ে আমরা তুল্য বল ছিলাম, তাই
পরস্পরে উপহার দিয়া, সসন্মানে
ফিরেছি স্বদেশে । শুনি এই বৃথা গর্ক
শ্রোতৃবর্গ প্রশংসিবে তা'রে ; মোর তরে
ইরাণের বীরবৃন্দ হবে নতশির ।

এমতি চিন্তিয়া বীর, ফিরি সোরাবের
পানে, হুকারিয়া কহিলা তাহারে, উঠ,
কেন বৃথা জিজ্ঞাসিছ রস্তুমের কথা ?
আসিয়াছি আমি হেথা তোমার আস্থানে,
রক্ষ দর্প তব কিংবা হও বশ মম ।
করিবে কি দ্বন্দ্বযুদ্ধ মাত্র রস্তুমের
সনে গোঁয়ার বালক ? নিরুখি রস্তুমে
ভরে পলায় সকলে । রস্তুম্ দাঁড়া'ত
যদি সম্মুখে তোমার হ'য়ে প্রকাশিত,
যুদ্ধ-কথা মুখে আর আনিতে না তুমি ।
কিন্তু যেই হই নাক আমি, শুন বলি,
গেঁথে রাখ এই কথা হিয়ার মাঝারে,
'ত্যজ বৃথা গর্ক কিংবা হও বশীভূত,
নতুবা তোমার অস্থি হইবে বিকীর্ণ
অক্ষ নদী-কূলে বালুকা উপরে, যদ-

সোরাব্ ও রস্তুম্ ।

বধি সমীরণ নাহি করে খেত,
অথবা প্লাবন তারে ধুয়ে নিয়ে যায় ।’

শুনি রস্তুমের বাক্য উঠিয়া সোরাব্
কহিতে লাগিলা, সত্যই কি তুমি হায় !
এত ভয়ঙ্কর ? একপে হ’ব না ভীত,
বালিকা নহিত আমি, কথা মাত্র শুনি
ভয়েতে হইব’ল্লান । তবে এক সত্য
কথা কহিয়াছ তুমি, রস্তুম্ দাঁড়া’ত
যদি এই রণ-ক্ষেত্রে, হইত না কভু
যুদ্ধ সংঘটন । কিন্তু তিনি বহু দূরে,
তুই জন মাত্র হেথা র’য়েছি আমরা ।
হউক তা’হ’লে এবে যুদ্ধ আরম্ভন,
জানি তুমি ভীম-দেহী, ভীষণ-দর্শন,
যুদ্ধাভিজ্ঞ ; যদিও বালক আমি, ভাবি-
ওনা যুদ্ধে তুমি হবে জয়ী । জয়, পরা-
জয় ভাগ্যধীন, সব ঈশ্বরের ইচ্ছা ;
ভাবিতেছ মনে তুমি হবে রণজয়ী.
কিন্তু নহে জ্ঞাত তাহা নিশ্চয়তা-রূপে ।
অদৃষ্টের উচ্চ উর্ধ্ব’পরে ভাসিতেছি
মোরা, জানি নাক অবশেষে কোন্ দিকে

সোরাব্ ও রস্তুম্ ।

যাবে ল'য়ে, কূলে কিংবা তলে জলধির ।
অদৃষ্টের কথা যোরা, নহি পরিজ্ঞাত,
ঘটনার সংঘটনে হই অবগত ।

সোরাবের বাক্যে বীর না, দিয়া উত্তর,
হানিল বল্লম ঘুরাইয়া নিজ স্বক
হ'তে সোরাব্ উদ্দেশে ; ছুটিল বল্লম
পূর্ণবেগে, শোন যথা শূণ্যপথে বৃত্তা-
কারে ঘুরিয়া ঘুরিয়া পড়ে, সীসকের
পিণ্ড মত চকোর উপরে ক্ষেত্র-মাঝে ।
তা'দেখি সোরাব্ বিছাতের বেগে ঘুরা
লক্ষ দিয়া এড়াইল শূলে । স্বন্ স্বন্
শব্দ করি শূলখানি পড়িল ভূতলে,
কম্পনে উহার ছড়াইল ঝালিরাশি ।
সোরাব্ হানিল এবে তা'র শূলখানি
রস্তুমের প্রতি ; লৌহময় চর্ম্মে ঠেকি
ঝন্ ঝন্ শব্দ করি ফিরিল বল্লম ;
তবে বীর ল'য়ে তাঁ'র প্রকাণ্ড যুদ্ধগর,—
যেন শাখাহীন অসংস্কৃত বৃক্ষকাণ্ড,
প্রভঞ্জন ঘা'রে দিছে ফেলি শীতকালে,
হিমালয় বন হ'তে, ইরাবতী, বিত-

সোরাব্ ও রস্তম্ ।

স্তার স্রোতে, ভেসে যায় বৃক্ষহীন দেশে,
তীরবাসী তুলি নয় তরি নিরমিতে,—
নিষ্ফেপিল সোরাবেরে লক্ষ্মি, হেরি বীর,
কণিগতি অনুকরি লক্ষ দিহা বেগে ।
তবে গর্জি ভীম গদা পড়িল ভূতলে,
রস্তমের মুষ্টি হ'তে । রস্তম্ পড়িল
সঙ্গে জালুপাতি, দৃঢ়ে ধরি বালিরাশি,
ঘূর্ণিত মস্তক, বালুকায় রুদ্ধ শ্বাস ।
এ সুযোগে পারিত সোরাব্ উলঙ্গিয়া
তীক্ষ্ণ অসি তা'র বিধিতে রস্তমে,
কিন্তু সমস্তমে হঠিয়া পশ্চাতে, হান্ধ
সহ কহে তাঁ'রে “অতি বেগে হানিয়াছ” ;
গ্রীষ্মের প্লাবনে গদা ভাসিবে তোমার
নহে অস্থি মম, উঠ, হ'ওনা কুপিত,
ক্রুদ্ধ নহি আমি । জানি নাক কেন হায় !
হেরিলে তোমাতে ক্রোধ হয় অপনীত ।
রস্তম্ নহেত তুমি বলিয়াছ পূর্বে,
তাই হো'ক ; কেবা তুমি তবে হৃদি মোর
করিয়াছ দ্রবীভূত ? যদিও বালক, বহু
বুদ্ধ হেরিয়াছি, করিয়াছি ঘোর বণ,

যুযুয়ুর মর্শ্ভেদী ধ্বনি পশিয়াছে
শ্রবণ বিবরে, তথাপিও চিত্ত কভু
হয় নাই বিচলিত । স্বর্গ হ'তে এলো
কি এ নব ভাব মোর ? এস বন্ধ বীর,
ঈশার আদেশ পালি, পুতি শূল ভূমে,
বসিয়া সৈকতে, করি সন্ধির প্রস্তাব ;
পরম্পরের স্বাস্থ্য করি পান, বন্ধুত্ব-
বন্ধন হবে দৃঢ়ীভূত । বীরোচিত কার্যা-
বলী রস্তুমের বাথানিবে মোর কাছে ।
পারশুর দলে বহু শত্রু আছে, যুঝি-
বারে যা'র সহ দয়া নাহি উপজীবে ।
বহু যোদ্ধা আছে তাতারের দলে, তব ;
সনে যুঝিবারে । কর রণ, যদি আসে
তা'রা ; কিন্তু শান্তি হো'ক তোমাতে আমাতে ।

শুনি সোরাবের বাক্য উঠি দাঁড়াইল
ইরাণের বীর কম্পান্বিত কলেবরে,
পড়িয়া রহিল গদা, নিল শূল কজ্জি-
বন্ধ সব্য করে, ফলা তা'র উদ্ভাসিত
অরের সূচনাকারী ভাদ্র তারা মত ।
কিরীচের অশ্ব-পুচ্ছ-শুচ্ছ, আর দীপ্ত

সোরাব্ ও বস্তুম্ ।

অস্ত্র, শস্ত্র ধূলা লাগি হয়েছে মলিন ।

বক্ষঃ তাঁ'র ক্ষুরিতেছে, ফেনিল বদন,
ক্রোধে দুই বার স্বর হ'ল বন্ধ, পরি-
শেষে কহে বীর, বালে ! ক্ষিপ্র গতি দেখা-
য়েছে পদ, নহে হস্ত, অলকিত, চাটু-
কার, মিষ্টভাষা-পটু নট মত ; যুঝ,
তব ঘৃণা স্বর যেন না পশে শ্রবণে
মোর, নহে ইহা আক্ষেদি উদ্যান, যথা
তাতার-বালিকাসনে নৃত্য করে থাক ।
কিন্তু এবে তুমি বালির উপরে অক্ষ-
কূলে রণ-নৃত্য করিতেছ মোর সহ ।
যুদ্ধ আমি নাহি ভাবি ছেলেখেলা মত ।
দ্বন্দ্বযুদ্ধ করিবারে, শত্রু বিদ্যাম্বিতে
বিশেষ অভ্যস্ত আমি । তুলিওনা সন্ধি
কথা কিংবা স্বাস্থ্য পান । করহ স্বরণ
এবে সাহস, বিক্রম ; ছল চাতুরীর
কার্য্যাবলী করহ পরীক্ষা ; তব প্রতি
নাহি আর দয়া মম । সবার সমক্ষে
করি অপ্রতিভ মোরে, দেখায়েছ ক্ষিপ্র
উল্লঙ্ঘন, বালিকা-সুলভ চতুরতা ।

সোরাব. ও রস্তুম্ ।

শুনি রস্তুমের তীব্র উপহাস; ক্রোধে
জ্বলি যুবা, ত্বরা নিকোষিলা অসি তা'র ;
উভয়ে উভয় প্রতি হ'ল প্রধাবিত ।
যুগল ঙ্গল যথা পূর্ব, পশ্চিম
হ'তে আক্রময়ে বেগে একটি শিকার,
তেমতি উভয়ে আঘাতিল পরস্পরে,
চক্ষুে চক্ষুে ঠেকি শব্দ হইল গস্তীর ;
যেমন প্রভাত কালে অরণ্যনী মাঝে
উঠে কুঠারের ধ্বনি, যবে বলবান্
কাঠরিয়াগণ কাটি বৃক্ষ পাড়ে মড়
মড়ি । মনে হ'ল রবি, তারা যোগ দিল
এ অনৈসর্গিক রণে । সহসা উঠিল
মেঘ সূর্য্য আচ্ছাদিয়া মণ্ডার উপরে,
বায়ু প্রবাহিল প্রকাশিয়া আর্তনাদ,
বালুকার বাতাবর্ত্ত ঘেরিল ছ'জনে,
ছুই বীর রহে এবে অন্ধকারে ডুবি ।
ছ'পাশে দাঁড়া'য়ে সৈন্ত দর্শকের রূপে
নির্ম্মল আকাশ তলে, অক্ষ উজলিল
রবিকর জালে, উভে যুবে অন্ধকারে ।
রক্ত-চক্ষু বীরঘয় ঘন অন্ধকারে,

সোরাব্ ও রস্তুম্ ।

দীর্ঘশ্বাসসহ আক্রমিল পরস্পরে ।
প্রথমে রস্তুম্ অয়স্-মণ্ডিত ভলে
আক্রমিল সোরাবেরে, ভেদিল সম্মুখ
রক্ষিত বর্ষ, নারিল দেহ পুরশিতে ।
ব্যর্থ হ'ল দেখি বীর আকর্ষিল ভল্ল
বিরক্তির সহ । সোরাব্ ঘাতিল এবে,
স্বীয় অসি ল'য়ে রস্তুমের শিরস্ত্রাণ,
ভেদিল না লোহময় বলি, কিন্তু হায় !
গোরব প্রকাশকারী অখ-পুচ্ছ-গুচ্ছ,
শিরস্ত্রাণ-চূড়া—কভু নহে কলঙ্কিত—
ধূলায় লুপ্তিত এবে ভূতলে পড়িয়া ।
আনত করিল শির রস্তুম্ তখন,
অন্ধকার ঘনীভূত হ'ল, বজ্রধোষ
হইল আকাশে, সৌদামিনী চমকিল,
হ্রেষিল রুম্ব বিকট চীৎকারে, যথা
পার্শ্বদেশে শল্যবিদ্ধ মরুর মৃগেন্দ্র,
কাতর জর্জর দেহে ভ্রমি সারাদিন,
নিশাকালে নদীতীরে সৈকত উপরে,
ত্যজে প্রাণ অবশেষে গর্জি ভয়ঙ্কর ।
কাপিল উভয় পক্ষ গুনি সেই হ্রেষা,

সোরাব্ ও রস্তুম্ ।

অক্ষ নদী শ্রোত যেন জ'মে গেল ভয়ে ।
সোরাব্ হ'ল না ভীত শুনি সে ভৈরব
রব । কিন্তু অগ্রসরি পুনঃ আঘাতিল ;
আবার রস্তুম্ আনত কুরিল শির ।
ভঙ্গুর কাচের মত সোরাবের তীক্ষ্ণ
তরবারি সহস্রধা হ'য়ে ভগ্ন হ'ল,
রহি গেল হাতে মাত্র করযুঁঠাখানি ।
রস্তুম্ তুলিল শির, ভয়াবহ অঁধি
উজ্জ্বলিত হ'ল ; ঘুরায়ে আকাশে তা'র
ভীষণ বল্লম কহিলা উচ্চে “রস্তুম্” ।
শুনি সেই উচ্চ ধ্বনি বিশ্বয়ে সোরাব্
হঠিল পশ্চাতে এক পদ, চক্ষু করি
সমুচিত, হেরি সেই অগ্রসর মূর্তি
হতবুদ্ধি, গেলা পড়ি দেহ-রক্ষাকারী
চৰ্ম্ম ; এবে রস্তুমের ভল্ল বিধে সোরা-
বের পাশ, টলমল দেহখানি তা'র
পড়িল ভূতলে, অক্ষকার অপমৃত,
প্রশমিলা প্রভঞ্জন, সূর্য্য মেঘযুক্ত ।
যুগল ঘোঁড়ারে এবে হেরে দুই দল,
রস্তুম্ দণ্ডায়মান অক্ষত শরীরে,

সোরাব্, ও রস্তুম্ ।

আহত সোরাব্, রক্তময় বালি'পরে ।

অবজ্ঞার হাসি হেসে কহিলা রস্তুম্,
সোরাব্ ! ভেবেছ মনে বধি পারশ্চের
বীরে, জয়চিহ্ন রূপ ল'য়ে তা'বু অস্ত্র,
শস্ত্র, প্রত্যাগত হ'বে তাতার-শিবিরে ;
অথবা রস্তুম্ আসি যুক্টিবে তোমার
সনে । চতুরতা সহ হৃদি ত'র করি
বিচলিত, স্বীকৃত করা'বে তা'রে ল'তে
তব উপহার, দ্বন্দ্বযুদ্ধ পরিহারি ;
তাতার-সৈনিক মাঝে, তুলি বীরত্বের
আর চাতুরীর কথা লভিবে প্রশংসা,
জরাগ্রস্থ পিতা তব হ'বে আনন্দিত ।
মূঢ় ! অজ্ঞাতের হস্তে এবে হত তুমি ।
জয়ী হ'য়ে যদি ফিরিতে শিবিরে, প্রিয়
হ'তে বন্ধু আর বৃদ্ধ জনকের, কিন্তু
শৃগালের প্রিয়তর হইবে এক্ষণে ।

নির্ভীক হৃদয়ে বীর করিলা উত্তর,
অজ্ঞানিত বটে তুমি, কিন্তু বৃথা তব
তীতিপ্রদ আশ্ফালন, দাস্তিক, গর্বিত !
তুমি বধ নাই মোরে, রস্তুম্ নাশিছে

সোরাব্ ও রস্তুম্ ।

আর এই পিতৃভক্ত হৃদয়'আমার ।
হৃদি বিচলিত, শুনি রস্তুমের নাম,
নতুবা তোমার মত দশ জন বীর
প্রতিবোধ রূপে আক্রমিয়া মোরে
হেথায় থাকিত পড়ি, আমি দাঁড়াইয়া ।
কিন্তু বিপর্যাস্ত করি হৃদি ওই প্রিয়
নাম, হরিল আমার শক্তি মম বাহ
হ'তে, দেহ-রক্ষাকারী চর্ম গেলা পড়ি ;
তব শূন ভেদিয়াছে অরক্ষিত অরি,
বুথা গর্ব প্রকাশিয়া নির্দিছ আমারে ।
বিকট পুরুষ ! শুন মোর কথা, শুনি
ভয়ে হও কম্পমান ; প্রতিশোধ ল'বে
মোর জনক রস্তুম্ মহাপরাক্রম,
অশ্বেষিহু য়ারে আমি সমগ্র মেদিনী,
প্রতিহিংসি মৃত্যু মোর দণ্ডিবে তোমারে ।

* হৃদের মাঝারে উচ্চ শৈলময় দ্বীপে
ঈগলী পালন করে কুলায়ে শাবকে
বসন্তের আগমনে, উড়িবার কালে
বিক্রি তা'রে ব্যাধ শরাঘাতে, ধায় পিছে ;
হেন কালে খাণ্ড ল'য়ে ঈগল ফিরিয়া

সোরাব্ ও রস্তুম্ ।

দূর হ'তে দেখে বিহঙ্গিনী তা'র গেছে
চলি, নীড়ে রাখি অরক্ষিত শিশুগণে,
গতি প্রশমিয়া ভ্রমে নীড়ের উপরে,
ভৎসিয়া তারস্বরে ডাকে সঙ্কীর্ণীয়ে
কুলায়ে আসিতে ফিরি শাবক সমীপে ;
কিন্তু সেই বিদ্ধ বিহঙ্গিনী আছে পড়ি
পক্ষস্বপ্ন মত দৃষ্টির অতীত দূর
গিরিপথে । উড়িবেনা বিহঙ্গিনী, পড়ি-
বেনা প্রতিবিশ্ব তা'র হৃদের সলিলে,
কিংবা কৃষ্ণ আদ্র তুঙ্গ স্থানে হইবে না
প্রতিধ্বনি তা'র ভয়ঙ্কর চীৎকারে
জরাকু ঈগল যথা নীড়ে প্রত্যাগত
কালে, নহে জ্ঞাত তা'র কি ষে সর্বনাশ
ঘটিয়াছে, তেমতি রস্তুম্ জানেনাক
স্বীয় অমঙ্গল ; যুযুর্ পুত্রের পাশ্বে
দাঁড়াইয়া, জানেনাক তা'র পরিচয় ।
উদাসীন ভাবে আর সন্দেহের সহ
কহিতে লাগিলা, কিবা প্রলাপিছ তুমি,
রস্তুম্ পিতার কথা আর প্রতিশোধ ?
পরাক্রান্ত রস্তুয়ের নাহি কোন পুত্র ।

ক্ষীণস্বরে উত্তরিল। সোরাব্ তখন,
আছে পুত্র তাঁ'র, আমি সেই হারানিধি ;
নিশ্চয় আমার এই মরণ সংবাদ
পশিবে শ্রবণে তাঁ'র একদিন,—নাহি
জানি এবে তিনি আছেন কোথায়, মনে
হয় বহু দূরে,—শরবৎ বিক্রি তাঁ'রে
উঠাইবে অস্ত্রে, শস্ত্রে সুসজ্জিত হ'তে,
পুত্র-মৃত্যু-প্রতিশোধ লইবার তরে ।
প্রচণ্ড পুরুষ ! ভেবে দেখ কি গভীর
পুত্র-শোক হ'বে একমাত্র সন্তানের
মৃত্যু-কথা শুনি ; কি প্রবল প্রতিহিংসা
হইবে তাঁহার । ইচ্ছা হয় প্রাণ ধরি
ষদবধি নাহি হেরি সেই পুত্র-শোক ।
পিতৃদেব তরে মোর নহে তত দুঃখ,
কিন্তু হয় ! আকুল পরাণ মোর, যবে
ভাবি জননীরে, খুঁদে'র শাসক, বৃদ্ধ
পিতাসহ তিনি করেন বসতি এবে ।
তাতার-শিবির হ'তে সসম্মানে প্রত্যা-
গত পুত্রে হেরিবে না জননী আমার,
বৃদ্ধ শেষে ল'য়ে সঙ্গে জয়-লঙ্ক ধন ।

সোরাব্ ও রস্তুম্ ।

দেশান্তরে প্রচারিত জনরব হ'তে
শুনিবেন অসহায়া জননী আমার,
পুত্র তাঁ'র হত যুদ্ধে, অজানিত শত্রু
সনে বহু দূরে, অক্ষ নদী-কূলে । আর
করিবে না পুত্র তাঁ'র চক্ষু বিনোদন ।
এতক कहিয়া তবে নিরাবিলা বীর ;
মাতৃ-চিন্তা, মৃত্যু-চিন্তা উভয়ে মিলিয়া
কাঁদাইল সোরাবেরে ক্ষণকাল তরে ।

সোরাবের বাক্যাবলী শুনি এক মনে,
গভীর চিন্তায় মগ্ন হইল রস্তুম্,
পরিচিত নাম শুনি, শুনি তা'র মুখে,
“সোরাব্ তাঁহার পুত্র” হ'ল না প্রত্যয় ।
সঠিক সংবাদ আ'সে আদ্র-বালী হ'তে
ভূমিষ্ঠ হয়েছে শিশু, কন্যা, পুত্র নহে ।
ভেবেছিল অভাগিনী মাতা, পুত্র বলি
পরিচয় দিলে, ল'য়ে যা'বে পিতা তা'র
আদ্র-বালী হ'তে শিখাতে সৈনিক ধর্ম ।
চিন্তে মনে মনে, রস্তুম্-তনয় আখ্যা
লইয়া বালক রূথা গর্ভ প্রকাশিছে,
কিংবা দেখি তা'রে পরাক্রান্ত বীর, বাড়া-

ইতে যশঃ কহে লোক রস্তুম্-তনয় ।
এইরূপ ভাবি গভীর চিন্তায় মগ্ন ।
রস্তুমের চিন্তা-স্রোত গেল শোক দিকে,
যথা পূর্ণিমা তিথিতে জলধির উচ্ছ-
লিত মহাস্রোত ধায় বেলা পানে ।
অশ্রুপূর্ণ হ'ল আঁধি দু'টা তাঁ'র স্মরি
নিজ বাল্য জীবনের আনন্দ, উল্লাস ;
পার্বত্য-কুটীর হ'তে মেঘের পালক
যথা প্রাতে হেরে আবর্তিত মেঘ মধ্য-
দিয়া দূরাস্থিত নগরের প্রতিকৃতি,
সমুজ্জ্বল নবোদিত অরুণ কিরণে ;
হেরিল রস্তুম্ তথা অস্পষ্ট স্মৃতির
মাঝে, নিজ যুবাবস্থা, স্মৃতিত কোরক
সম সোরাব্ জননী, বৃদ্ধ রাজা পিতা
তা'র, আর তাঁ'র প্রেম ঘাঘাবর অতি-
ধির প্রতি,—সানন্দে করেছে দান রূপ-
বতী পুত্রী যা'রে,—ত্রয়ীর সে সুখময়
নিদাঘ জীবন, আর খণ্ডর-প্রাসাদ,
শিশির-স্নিগ্ধিত বন, মৃগয়া, কুকুর,
রমণীয় শৈল মাঝে বিমল প্রভাত ।

সোরাব্ ও রস্তম্ ।

হেরিগ যুবারে, আকৃতি, বয়সে ঠিক
আপনার পুল্ল মত, কারুণ্যে জড়িত,
প্রিয় দরশন, শয়িত সৈকত'পরে ।
সতেজ শমূলমণি হইয়া কর্তিত,
অনিপুণ উদ্যান-পালের হস্তে 'তৃণ'
ছাঁটিবার কালে, ফুলের কেয়ারি কাছে,
প'ড়ে থাকে, সুরভিত ধূম্র মুকুলের
সৌধ মত, শুষ্ক প্রায় তৃণ স্তূপোপরে ;
তেমতি সোরাব্ রয়েছে পড়িয়া, মৃত্যু-
পথে, সাধারণ বালি শয্যা'পরে, তবু,
প্রিয় দরশন । শোকাকুল এক দৃষ্টে
চাহি তা'র মুখ পানে কহিলা রস্তম্,
বাস্তবিক সেইরূপ পুল্লরত্ন তুমি ।
যদ্যপি হইতে তুমি রস্তমের পুল্ল,
নিশ্চয় বাসিত ভাল রস্তম্ তোমায় ।
কিন্তু তুমি করিয়াছ ভ্রম, কিংবা লোকে
মিথ্যা কহে রাস্তমি বলিয়া, রস্তমের
পুল্ল নহ তুমি, রস্তমের নাহি পুল্ল,
মাত্র এক শিশু, পুল্ল নহে কন্যা, এবে
মার কাছে ব্যস্ত নারীসাধ্য লঘু কার্যে ।

স্বপ্নে কভু ভাবে নাক আমাদের, কিংবা
ভাবে নাই যুদ্ধ আর আঘাতের কথা ।

শূল-বিদ্ধ যজ্ঞনার বৃদ্ধি হ'লে পর,
উদ্ধারিতে শূলখানি ইচ্ছিল সোরাব্
যুক্ত ভাবে রক্ত-ধারা প্রবাহিত হ'য়ে
ধরায় আনিতে মৃত্যু । বাসনা তাহার
কিন্তু অগ্রে বুঝাইবে অনম্য অরিরে ।
দৃঢ় ভাবে উঠিয়া সোরাব্, এক ভূজে
দিয়া ভর, পরে কহিতে লাগিলা রোষে,
কে তুমি আমার বাক্য কর অপ্রত্যয় ?
সদা সত্য বিগ্ৰহমান যুমুসুর ওঠে ;
আমার জীবিত কালে মিথ্যা ছিল দুরে ।
শুন এক কথা, দিয়াছিল জননীরে
রক্তম্ তাঁহার শীল দেহলেখ্য তরে
সন্তান হইলে ; ভূজে আছে চিহ্ন তা'র ।

শুনি সোরাবের কথা রক্তমের পাংক্ত-
বর্ণ মুখ, জ্ঞানুদয় প্রকম্পিত ; এক
কজ্জি-বন্ধ হস্তে হানে স্বীয় বক্ষঃস্থল,
লৌহ-বর্শে ঠেকি, শব্দ হইল গভীর,
অন্ত হস্তে, চাপি হৃদিখানি তাঁ'র

সোরাব্ ও রস্তুম্ ।

শূন্য-গর্ভ বাক্যে পরে কহিতে লাগিলা,
তবেই নিশ্চয় তুমি রস্তুম্ তনয়,
যদি দেখাইতে পার দেহলেখা তব,
এ প্রমাণ কভু নাহি মিথ্যা হু'তে পারে ।
দুর্বল অঙ্গুলি দ্বারা ব্যস্ততার সহ
সোরাব্ খুলিল তাঁ'র কটিবন্ধখানি.
উলঙ্গিয়া বাহুমূল দেখা'ল রস্তুমে
রয়েছে অঙ্কিত এক গ্রিফিনের চিহ্ন,
সিন্দুরের সূক্ষ্ম বিন্দু দিয়া স্কন্ধ প্রান্তে ।
পিকিনের সূচতুর শিল্পকার যথা
করে কারুকার্য স্বচ্ছ পোসলেন পাত্রে,
দিয়া সিন্দুরের বিন্দু সূচীর সাহায্যে,
প্রভাত হইতে নিশাবধি, দীপালোক
পড়ে তাঁ'র সচেষ্ঠ ললাটে আর দুই
লঘু করে—সত্রাটের উপহার ষোগ্য ।
স্তুপায়ী জাল যবে হয় পরিত্যক্ত
পর্বত উপরে, পালন করিয়াছিল
গ্রিফিন তাহারে । মর্যাদার চিহ্ন হেতু
লয়েছে রস্তুম্ তাই গ্রিফিন-আকৃতি ।
উন্মোচিয়া বাহু-মূল দেখাইল তাঁ'রে,

গ্রিকিনের প্রতিকৃতি সিন্দুরে অঙ্কিত ।

নিরখিয়া বহুক্ৰণ শোকাক্ত-নয়নে,

স্পর্শি স্বীয় হস্তে বীর কহিতে লাগিলা,

এখন কি বল তুমি ? রস্তুম্-তনয়-

চিহ্ন নহে কি প্রকৃত ? কিংবা অন্য কা'র ?

এতেক কহিয়া বীর হইলা নীরব ।

নির্বাক্ রস্তুম্, একদৃষ্টে নিরখিল

দাঁড়াইয়া কতক্ৰণ, পরে তীব্র স্বরে

উচ্চারিল বীর, “হায় বৎস ! তব পিতা”,

বলি স্বর বদ্ধ হ'ল, অঁাধার নয়ন,

শির বিঘূর্ণিত, ভূমিতলে গেলা পড়ি ।

বক্ষে ভর দিয়া বীর গিয়া রস্তুমের

পাশ, আলিঙ্গিয়া গ্রীবা, চুষ্টি ওষ্ঠাধর,

কম্পিত অঙ্গুলি দ্বারা ঘাতিল কপোল

যুগ তাঁ'র চেতনিত্তে, রস্তুম্ লভিল

জ্ঞান অবিলম্বে, মেলিল নয়নদ্বয়—

বিভীষিকা-বিফারিত—হুই করে ল'য়ে

ধূলি ছড়াইল শির'পরে, ধূসরিত

কেশপাশ, মুখ, শ্মশ্রু, আর দীপ্তিমান্

অস্ত্র, শস্ত্র ; কাতর আক্ষেপ করে বন্ধঃ

সোরাব্ ও রস্তুম্ ।

আক্শোভিত, সাক্ষ-দীর্ঘশ্বাস রোধে কণ্ঠ,
দৃঢ়ভাবে ধ'রে অসি প্রাণ তাজিবারে ।
মনোভাব অনুভবি সোরাব্ তখন,
রোধি হস্তে, শাস্তবাক্যে প্রবোধিলা তাঁ'রে,
শাস্ত হও পিতঃ ! ভেটিনু নিয়তি আমি
ত্রিদিবে লিখিত জন্মকালে, উপলক্ষ্য
মাত্র তুমি বিধাতার স্মনির্দিষ্ট কাজে ।
প্রথম দর্শম কালে প্রাণ মোর বলে
ছিল তুমিই রস্তুম্, তব হৃদি হ'য়ে-
ছিল বিচলিত অতি, অবগত আছি ।
কিন্তু বিধি-লিপি দলি পদভরে সেই
হৃদয়-আহ্বান, নিয়োজিল হৃদয়যুদ্ধে ;
পিতৃ-শলা হানিল আমারে । কাজ নাই
কহি এই কথা, পিতৃদেবে পাইয়াছি
অনুভবি তাই ; এস, বস, বালি'পরে
পার্শ্বে মোর, লহ দুই করে শির মম,
চুষ্কিয়া কপোল ধৌত কর অঁাধি-নীরে ।
পুল্ল বলি একবার কর সঙ্ঘোধন,
ধরা কর, ধরা কর, এখনি জীবন-
দীপ হবে নির্ঝাপিত চিরকাল তরে

বিজলীর মত আমি আসি এই ক্ষেত্রে
অকস্মাৎ চলিলাম ঝটিকার মত ।
ইহাই লিখিলা বিধি আমার কপালে ।
বিধি-লিপি নিশ্চয় ঘাঁটবে, কহি এই
রূপ নিরবিলা বীর । গুনি সেই স্বর
রস্তমের হৃদয়ের আবদ্ধ বেদনা
মুক্ত হ'ল, তিতিল নয়ন, গ্রীবা আলি-
ঙ্গিয়া কাঁদি মুক্ত-কণ্ঠে, চুঞ্চিল তনয়ে ।

রস্তমেরে শোকাবিত হেরি দুই পক্ষ
হইল বিস্থিত । রক্ষ তুঙ্গম নত
করি মাথা তা'র, সঞ্চারি কেশরপাশ ;
আসিয়া নিকটে নির্ঝাক-বিষাদে নাড়ি
মাথা তা'র জনে জনে জিজ্ঞাসিল যেন
কিসের বেদনা ? সমবেদনায় ক্লিষ্ট
কক্ষবর্ণ অঁাধি দু'টী হ'তে তা'র প্রবা-
হিত উষ্ণ অক্ষ বালি করে পিণ্ডাকার !
কর্কশ বচনে রক্ষে ভৎসিলা রস্তম্
ওরে রক্ষ !, এবে তুমি দুঃখ প্রকাশিছ,
কিস্ত হ'তো ভাল, হার রক্ষ ! যদি তো'র
চঞ্চল চরণ-সন্ধি হইয়া ঝলিত

সোরাব্ ও রস্তুম্ ।

অকর্ষণ্য করি আনিত না মোরে হেথা ।

নিরখিয়া রুক্ষ হয়ে কছিল। সোরাব্,
এই কি সে রুক্ষ ! কতবার মাতৃদেবী
কহেছেন মোরে তোর কণ্ঠা বাল্যকালে,-
ভীষণ পিতার তুমি ভীষণ তুরগ—
বলেছেন, প্রভুসহ হেরিব তোমারে
একদিন, এস এক বার রাখি হাত
তোমার কেশরে । রুক্ষ তুমি মোর চেয়ে
বড় ভাগ্যবান্, পিতার দেশের বায়ু
করেছ সেবন, পাই নাই যে'তে, তুমি
গিয়াছ ষথায় । সিন্তানের বালু'পরে
করেছ ভ্রমণ, হেরেছ হেমন্দ নদী
আর জিরা হ্রদ । বৃদ্ধ জাল পিতামহ
ধীরে ধীরে আঘাতিয়া গ্রীবদেশে তোর
করেছেন স্নেহ কত বারে বার, দিয়া
সুরা-সিক্ত-শস্ত্র আর খাণ্ড স্বর্ণ পাত্রে
ভোজনের তরে । বলেছেন রস্তুমেরে
নিরাপদে রণক্ষেত্রে করিও বহন ।
হায় ! হেরি নাই কভু কুক্ষিত-বদন
বৃদ্ধ পিতামহ কিংবা সিন্তানের উচ্চ

সোরাব্ ও রস্তুম্ ।

গৃহ তাঁ'র । হেমন্দের স্বচ্ছ তোয়ে করি-
নাই তৃষ্ণা নিবারণ, কিন্তু পিতৃ-অরি
দলে থাকি হেরিয়াছি আফ্রেসি-নগর,
যথা বোকহারা, সমরুন্দ, আর খিবা
মরুভূমি মাঝে, কিংবা তুর্কির শিবির ।
কোহিক, তেজেন্দ, মুরগাছা কিংবা
মরু-নদী-নীর করিয়াছি পান, য'র
তীরে চরাইত মেষ কালমক জাতি ;
আর এই পীতবর্ণ অক্ষ মহানদী
যা'র তীরে আজি আমি তাজিতেছি প্রাণ ।

শুনি সোরাবের সেই মখেদ বচন
আর্জুনাদি কহিলা রস্তুম্ হায় ! অক্ষ
শ্রোত হও প্রবাহিত মর্মপরে তব
পীত রেণু গড়াইয়া যা'ক শির'পরি ।
গস্তীর বিনয় স্বরে কহিলা সোরাব্
ও বাসনা ক'রনাক পিতা, জীব ভুমি ;
কেহ জনে এ জগতে করিতে মহান্
কাজ, রাখে কীর্তি ; কেহ বা আসিয়া হেথা
চলি যায় অজানিত থাকি । তাই বলি পিতা !
অসম্পূর্ণ কর্ম মোর করি সম্পাদন,

সোরাব্ ও যশ্বন্ ।

—নারিনু সাধিতে অকালে মরিনু বলি,-
পুনঃ যশঃ করহ অর্জন । পিতা তুমি,
তোমার গৌরবে হবে আমার গৌরব ।
কিন্তু পিতঃ ! শুন এক প্রার্থনা আমার,
এই যে অসংখ্য সৈন্য হেরিতেছ আজি,
বধো'না এদের, উহাদের হ'য়ে আমি
করি অমুনয়, কিবা দোষ উহাদের ;
মম আশা, মম যশঃ, মম ভাগ্য সাথে
আসিয়াছে, অতিক্রমি অক্ষ নদী তা'রা
শান্তিসহ হ'ক প্রত্যাগত । আর পিতঃ !
প্রেরিওনা মোরে উহাদের সনে, কিন্তু
বহ মোরে তব সাথে সিস্তান নগরে ।
শয্যা'পার রাখিয়া তথায়, আক্ষেপিবে
মোর তরে, তুমি আর তিম-শুভ্র-কেশ
পিতামহ আর তব বহু পরিজন ।
তব সেই প্রিয় দেশে সমাহিয়া মোরে
উঠাইবে মম অস্থি'পার কমকাল
যুক্তিকার স্তূপ, নির্মাণিবে তহুপরি
উচ্চ স্তম্ভ, বহু দূর হ'তে হ'বে দৃষ্ট ।
বক্রচারী অখারোহীগণ, দেখি মোর

সোরাব্ ও রস্তম্ ।

সমাধি-মন্দির, কহিবেক উচ্চৈঃস্বরে,
পরাক্রান্ত রস্তমের পুত্র আছে তথা ;
সোরাব্ তাহার নাম । মহৎ জনক
হায় ! করিয়াছে হত্যা তু'রে অজ্ঞানত ।
সমাধি-ক্ষেত্রেও নাহি হ'ব বিখ্যরিত ।

রস্তম্ শোকার্জ-স্বরে উত্তরিলো তবে,
ভাবিও না, তাই হ'বে হে পুত্র সোরাব্ !
তীব্রগুলি দক্ষ করি, সৈন্যদল ত্যজি,
সিস্তানে লইয়া যা'ব তোরে মোর সাথে,
শয্যার উপরে রাখি বিলাপিব শুভ্র-
কেশ পিতৃদেব জাল আর বহুগণ
সহ, শায়িত করাব তোরে প্রিয় ভূমে,
সমাধি উপরে নির্মাণিব উচ্চ মৃতি-
কার স্তূপ, তত্পরি দূর-দৃষ্টে স্তম্ভ ।
কবরিত হ'লে লোকে ভুলিবেনা তোরে ।
হিংসিব না তোর সৈন্যদলে, অক নদী
অতিক্রমি তা'রা যাক ফিরে শাস্তভাবে,
কি কল আমার বল আর হত্যা করি ?
ইচ্ছা হয় উঠুক বাঁচিয়া মোর বীর-
শ্রেষ্ঠ ঘোরতর শক্রগণ, বাহাদের—

সোরাব্ ও রক্তম্ ।

খ্যাতি ছিল সে সময়ে মহাযোদ্ধা বলি—
মৃত্যুপথে পশিয়াছি বশের মন্দিরে ।
প্রাকৃত পুরুষ আর সামান্য সৈনিক
যত বশঃহীন হ'য়ে ধরি প্রধন যদি
তুমি প্রাণ লাভ কর । কিংবা পড়ে থাকি
রক্তময় বালি'পরে হ'য়ে হত তব
অজ্ঞাত আঘাতে, আমি মরি তুমি নয় ;
সিস্তানে প্রেরিত হই আমি, তুমি নয় ;
পিতা জাল করিবেন অশ্রুপাত মম
সমাধি উপরে, নহে তব । কহিবেন
হায় পুত্র ! শোক মোর নহে গুরুতর,
স্বৈচ্ছায় শমনে আলিঙ্গিলে জানি আমি ।
যৌবন ষাপিল মোর রণে আর রক্ত
পাতে, প্রোচ কাল কাটিতেছে এইরূপে,
কতু না হইবে শেষ রক্তাক্ত জীবন ।

কালের কবলে আসি কহিলা সোরাব
বাস্তবিক রক্তময় জীবন তোমার
প্রচণ্ড পুরুষ ! তথাপি পাইবে শান্তি,
সেই দিন, যবে সমাহিয়া সাগরের
পারে তব প্রিয় প্রভু, ফিরিবে স্বদেশে

সোরাব্ ও রস্তম্ ।

খসরুর অশ্রু বজ্রগণ মনে নীল
লবণাসু-রাশি বক্ষে বহিত্র বাহিয়া ।
নিরখি সোরাব্ যুথ কহিলা রস্তম্,
হায় ! পুত্র সেই দিনে আশুক সত্বর,
আর হো'ক সেই জলধি গভীর অতি ;
সহিব যাতনা সব নিয়তি-বিধানে,
যদবাধি নাহি আসে সেই দিন মোর ।

পিতৃ প্রতি হাসিয়া সোরাব্ নিল টানি
শূলখানি দেহ পার্শ্ব হ'তে, নিবারিতে
অসহ যাতনা, বেগে রক্ত বাহিরিল,
রক্ত-স্রোতসহ শক্তি করিল গমন ।
কৃষ্ণাভ শোণিত-স্রোত হ'য়ে প্রবাহিত
হিম শ্বেত পার্শ্ব-দেশ করিল মলিন,
যেন সগোরস্তূচাত ভায়লেট পুষ্প-
তন্তু, ধূলিমাখা, ফেলি গেছে নদী-তীরে
ক্রীড়াশীল শিশুগণ মধ্যাহ্ন সময়ে,
ধাত্রীর আছানে যবে গৃহে ফিরে যায় ।
মাখা তু'র হ'ল অবনত, অবয়ব
হইল শিথিল, গতিহীন, শ্বেতবর্ণ ;
অঁধি দু'টি হইল মূর্ছিত, দীর্ঘশ্বাস

সোরাব্ ও রস্তুম্ ।

সমস্ত শরীর খানি ক'রে প্রকল্লিত,
ক্ষণকাল তরে জ্ঞান হইল উদয় ;
উন্নীলি নয়নদ্বয় করিলা আবদ্ধ
পিতৃমুখ পানে, যতক্ষণ শক্তি তাঁ'র
রহে দেহে, অবশেষে আত্মা গেল তাজি
উষ্ণ গৃহ, যৌবন, লাবণ্য আর সুধ-
ময় পৃথিবীর তরে দুঃখ প্রকাশিয়া ।
'শোণিতাক্ত বালি'পরে রহিল সোরাব্,
অশ্বারোহী প্রাবরণে আচ্ছাদি বদন
প্রবীর রস্তুম্ বসে মৃত পুত্র পার্শ্বে ।
যেন পার্সিপোলিসের মধ্যে জেমসিদ-
প্রাসাদের সুকঠিন কৃষ্ণ প্রস্তরের
উচ্চ স্তম্ভাবলি বিচূর্ণিত হ'য়ে, আছে
পড়ি শৈলপার্শ্বে ভগ্ন সোপানের সহ ।

নিস্তরক মরুর মাঝে সন্ধ্যা সমাগত,
ঘেরিল তিমির এবে দুই সৈন্যদলে
আর বীরদ্বয়ে ; হিম কুহেলিকা অন্ধ
'পরে হইল উখিত নিশা সমাগমে ।
বিরাট সমিতি শুক হইবার পর
যেমতি অঙ্গষ্ট ধ্বনি হয় উদ্গত

সেইরূপ শব্দ করি উভয় বাহিনী
 শিবির-নিবাসে গেল,—আলো প্রস্ফলিত
 হ'ল প্রতি পটবাসে, ঝিকি মিকি করে
 তা'রা কুয়াসা ভিতরে ; পারসীকদল
 দক্ষিণে, উন্মুক্ত প্রান্তর মাঝে আর
 তাতারেরা অক্ষ-তীরে করিল ভোজন ।
 রক্তম্ তাহার পুত্র রহিল তথায় ।

মহিয়সী নদী প্রবাহিয়া নিয়দেশ,
 বাহিনীর কলরব আর কুহেলিকা
 ভেদি উতরিলা তারালোক সুশোভিত
 ভূবার আবৃত দেশে । তার পর প্রবা
 হিনী প্রফুল্লিতা, বেগে করিলা গমন
 কোরাস-মিয়ার নিভৃত প্রান্তর মাঝে,
 একাকী চন্দ্রিমা হাসে উপরে তারার ।
 ধাবিলা উত্তর দিকে ধ্রুবতারা পানে
 কূলে কূলে জলরাশি । কোয়ুদিশোভিত
 নদী অতিক্রমে অরগঞ্জ, রোধে গতি
 বালিরাশি । রুদ্ধ স্রোত ভিন্ন শাখা হ'বে
 চলিলা অটুটনী বহু দূর পথ বালি-
 স্তূপ আর নলবনময় ক্ষুদ্র ক্ষুদ্র

দ্বীপ মধ্য দিয়া—হ'য়ে বক্রগতি ব্যর্থ
ঘুরিতেছে, ভুলি একেবারে স্বীয় দ্রুত
গতি জন্মস্থান পামীর পর্বতোপরি,
বদবধি নাহি শুনে আকাঙ্ক্ষিত উদ্গিঃ
আস্ফালন, আর আরানের শাশু, দীপ্ত,
প্রসারিত সলিল-আবাস, চন্দ্রানোকে
উদ্ভাসিত, প্রসারিছে সম্মুখে তাহার ।
তল হ'তে তা'র সত্ত্বঃ স্নাত তারাগুলি
বাহিরিয়া উজলিল আরাল সাগর ।

সমাপ্ত

সম্পূর্ণ নূতন ধরনের দুইখানি চিত্তাকর্ষক গ্রন্থ ।

রামায়ণ	সচিত্র	মহাভারত
তৃতীয় সংস্করণ	গদ্য-পদ্য	দ্বিতীয় সংস্করণ
মূল্য আট আনা ।		মূল্য বার আনা ।

শ্রীযুক্ত বিপিনবিহারী মিত্র প্রণীত ।

আজ কাল যত রকম রামায়ণ মহাভারত প্রকাশিত হইয়াছে তন্মধ্যে এই দুই গ্রন্থ সর্বোৎকৃষ্ট । স্নেহের পুত্র, কন্যা, ভাই ও ভগিনীদিগকে পড়িতে দিবার এমন সুন্দর পুস্তক আর নাই ।

বর্তমান বিভাগের সহকারী ইনস্পেক্টর কেদার বাবু বলেন—পুস্তক দুইখানি বাস্তবিকই আদর্শ পুস্তক হইয়াছে । লিখিবার প্রণালী নূতন স্মৃতির বালাকদিগের বড়ই শ্রীতিপ্রদ হইবে । মহাকালী পাঠশালার পণ্ডিত উপেন্দ্র মোহন কবিভূষণ বলেন:—প্রত্যেক হিন্দুর বাড়ীতে বালক বালিকা দিগের জন্য খুঁহ পঞ্জিকার গায় এক এক খণ্ড রাখা উচিত । এতদ্বির হাওড়া জেলার ডেপুটি ইনস্পেক্টর শশীবাবু, বীরভূম জেলার ডেপুটি ইনস্পেক্টর অমৃতবাবু, হুগলী জেলার ডেপুটি ইনস্পেক্টর কিরণবাবু, বঙ্গবাসী কলেজের প্রিন্সিপ্যাল গিরিশবাবু, রিপন কলেজের প্রিন্সিপ্যাল রামেন্দ্রসুন্দর বাবু, মিত্র ইনষ্টিটিউশনের প্রধান শিক্ষক সতীশকুমার বাবু, আর্ধ্য মিশন ইনষ্টিটিউশনের প্রধান শিক্ষক বিনয়কৃষ্ণ বাবু প্রভৃতি মহোদয়গণ কর্তৃক বিশেষরূপে প্রসংশিত ।

সেন ব্রাদার্স এণ্ড কোং, কলেজ স্ট্রীট, কলিকাতা ।

MANUAL OF LIFE ASSURANCE.

By B. B. Mitra. Price Re.1/—

This is not only a valuable companion to all Life assurance agents but intending insurer will find it as an impartial guide to recommend the particular kind of insurance best suited for him.

Sir Gooroodas Bannerjee, K. T.,— an excellent book.

Principal Commercial Institute. Calcutta :—a neat little useful book.

B. C. Sinha Esqr :—Managing Director Unique Assurance Co., Calcutta :—an important acquisition to commercial literature.

F. R. Joshi Esqr :—Managing Director Bombay Life Assurance Co. Ltd., Bombay :—A valuable companion for men interested in life assurance business.

A. W. Cox, Esqr. Managing Director Insurance Publishing Co. Ltd., London :—A very carefully written book.

Sen Brothers & Co., College St. Calcutta.

